



**BOSNA I HERCEGOVINA
 PARLAMENTARNA SKUPŠTINA
 BOSNE I HERCEGOVINE
 ZATUPNIČKI DOM**

Bosna i Hercegovina
PARLAMENTARNA SKUPŠTINA
 BOSNE I HERCEGOVINE
 SARAJEVO

Priljeno: 18.07.2002. godine			
Org. jed.	Broj	Prilozi	Vrijednost
01/6	-011-	625/pz	

Komisija za promet i komunikacije

Broj:01/6- 011-625/02
 Sarajevo,18.06.2002.god.

ZAPISNIK

sa 6. sjednice Komisije za promet i komunikacije
 Zastupničkog doma održane 11.juna .2002.god.

Sjednica je održana u zgradi institucija Bosne i Hercegovine,Trg BiH br.1. sa početkom u 11,00 sati.

Sjednici su prisustvovali članovi: Ivo Lozančić,Halil Mehtić,Dragi Stanimirović,Miloš Jovanović,Damir Mašić,Mustafa Cuplov.

Sjednici nisu bili prisustni članovi: Miro Grabovac.Titan,Željko Mirjanić i Abdurahman Malkić.

Sjednici je u svojstvu predlagatelja zakona prisustvovao zastupnik Muhamed Begović.

Na sjednicu su blagovremeno pozvani predstavnici Vijeća ministara BiH i resornog ministarstva u svojstvu predlagatelja zakona ,te predstavnici Predsjedništva BiH ali istoj nisu prisustvovali.

Sjednicom je predsjedavao Ivi Lozančić , predsjedatelj Komisije za promet i komunikacije.
 Za sjednicu je predložen sljedeći

DNEVNI RED:

1. Verifikacija zapisnika sa 5.sjednice Komisije za promet i komunikacije;
2. Razmatranje :
 - Prijedloga zakona o međudržavnim i međuentitetskim komunikacijama,
 - Prijedloga zakona o ugovorima o prevozu u cestovnom transportu,
 - Prijedloga zakona o državnim cestama BiH,
 - Prijedloga zakona o osnovama sigurnosti saobraćaja na cestama u BiH,
 - Prijedloga zakona o unutrašnjoj i pomorskoj plovidbi
 - Prijedloga zakona o pošti.
3. Razmatranje Prijedloga zakona o izmjenama i dopunama Zakona o zrakoplovstvu Bosne i Hercegovine ;
4. Razmatranje Sporazuma između Vlade Bosne i Hercegovine i Vlade Savezne Republike Njemačke o međunarodnom cestovnom prevozu putnika i roba.

Članovi Komisije su jednoglasno usvojili predloženi dnevni red.

Ad.1.

Obzirom da na dostavljeni zapisnik sa 5. sjednice Komisije nije bilo primjedbi , isti je jednoglasno usvojen.

Ad.2.

Predsjedatelj Ivo Lozančić je otvorio raspravu po drugoj točki dnevnog reda i informirao članove da je na prethodnoj sjednici Komisije donesen zaključak o neophodnosti prisustva u raspravi o predloženim zakonima predstavnika Vijeća ministara BiH odn.resornog ministarstva kako bi iznijeli svoje prijedloge i mišljenja vezane za predložene zakone i sa eventualno usaglašenim predlozima zakona išli u dalju parlamentarnu proceduru.

U raspravi su potom učestvovali članovi Miloš Jovanović, Mustafa Cuplov, Dragi Stanimirović te Muhamed Begović u svojstvu predlagatelja zakona.

Imenovani su se složili sa konstatacijom predsjedatelja u potpunosti. Miloš Jovanović je pored toga istakao činjenicu da su termini u predloženim zakonima neujednačeni te bi ih trebalo usaglasiti . Mustafa Cuplov i Muhamed Begović su istakli da su svjesni činjenice da je Ustavno- pravna komisija zaključila da ne postoji ustavno-pravni osnov za donošenje ovih zakona ,ali po njihovom mišljenju ustavno-pravni osnov postoji i predmetna problematika se mora rješavati na nivou države BiH , te je neophodno predložene zakone uputiti u dalju parlamentarnu proceduru sa stavom ove Komisije . Nakon zaključene diskusije jednoglasno je usvojen zaključak kojim se obavezuje predlagatelj zakona da obavi razgovor sa predstavnicima Vijeća ministara BiH i odgovarajućim resornim ministarstvom do 19.06.2002.god. u vezi sa predloženim zakonima oko eventualnog usaglašavanja istih , nakon čega će informirati članove ove Komisije , da bi ista potom raspravljala o zakonima i eventualno ih prosljedila u dalju parlamentarnu proceduru.

Ad.3.

Predsjedatelj je upoznao članove Komisije da je pod toč.3 predviđeno razmatranje Prijedloga zakona o izmjenama i dopunama Zakona o zrakoplovstvu Bosne i Hercegovine, koji je Komisija trebala razmatrati kao nadležna komisija.

S obzirom da nije bio prisutan predstavnik predlagatelja koji je uredno pozvan , a što se u posljednje vrijeme stalno ponavlja , Komisija je jednoglasno zaključila da se navedeni prijedlog zakona ne razmatra na ovoj sjednici dok se ne obezbjedi prisustvo predlagača zakona , jer je to njihova obaveza u skladu sa odredbama Poslovnika Predstavničkog doma. Komisija je takođe zaključila , da će se u buduće pridržavati čl. 85 Poslovnika Zastupničkog doma Parlamentarne skupštine BiH, te će se u slučaju ne prisustva predstavnika predlagatelja i pored blagovremeno uručenog poziva, na sljedećoj sjednici Komisije smatrati da je predlagatelj odustao od prijedloga , o čemu će Komisija potom izvjestiti predsjedatelja Zastupničkog doma Parlamentarne skupštine BiH.

Ad.4.

Predsjedavajući je takođe, informirao članove Komisije da je pod ovom točkom dnevnog reda predviđeno razmatranje Sporazuma između Vlade BiH i Vlade Savezne Republike Njemačke o međunarodnom cestovnom prevozu putnika i roba , ali je razmatranje istog jednoglasno skinuto sa dnevnog reda zbog neprisustva predstavnika predlagatelja .

Sjednica je završena u 12,00 sati.

TAJNIK KOMISIJE :

Branka Todorović



PREDSJEDATELJ :

Ivo Lozančić

